

No pi grannizza, mancu pi dirittu,
ma sulu pi riciprucu rispettu
ferma un minutu, levati u birrittu
rapi lu senza, leggi stu sunettu;
quannu cumprenni chiddu chi c'è scrittu
'nta la to' testa ni fai un cuncettu,
nun ti mustrari cu lu mussu strittu
pirchè ti staiu parlannu chiaru e nettu.

Riccuni, pussirenti o dirilittu,
dottu, analfabeta, fissa o spertu,
prestu o tardu, ma però è custrittu
truvarlu sulu ccà lu so' risettu.
Chi fai? resti ccà? o passi drittù?
(pi ora ti nni vai, ma ccà t'aspettu).